



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 400
fax. +387 33 726 423
e – mail: info@voda.ba

Broj: **UP-1/21-3-40-163-4/23**
Datum: **12.06.2023. godine**

«Agencija za vodno područje rijeke Save» Sarajevo rješavajući po zahtjevu pravnog lica, «JASMIN M» d.o.o. Žepče za donošenje rješenja o vodnoj dozvoli za ispuštanje onečišćenih oborinskih i zauljenih otpadnih voda u prirodni recipijent sa lokaliteta poslovnog kompleksa izgrađenog u naselju Ljeskovica, općina Žepče, na osnovu člana 109. stav (1) tačka 2. Zakona o vodama («Službene novine Federacije BiH», broj 70/06) i člana 200. stav (1) Zakona o upravnom postupku («Službene novine Federacije BiH», broj 2/98, 48/99 i 61/22), donosi

RJEŠENJE **o vodnoj dozvoli**

1. Daje se vodna dozvola pravnom licu, „JASMIN M“ d.o.o. Žepče za ispuštanje onečišćenih oborinskih i zauljenih otpadnih voda u prirodni recipijent sa lokaliteta poslovnog kompleksa osnovne namjene: prodaja rezervnih dijelova i pribora za motorna vozila izgrađenog u naselju Ljeskovica na zemljištu označenom kao k.č. broj: 259, 260/1, 260/2, 260/3, 260/5, 260/6, 260/7, 260/8, 260/9, 261/2, 289/2, 290/1, 290/4 i 290/5 K.O. Ljeskovica, općina Žepče.
2. Ova vodna dozvola se odnosi isključivo na ispuštanje onečišćenih oborinskih i zauljenih otpadnih voda u prirodni recipijent sa lokaliteta objekta definisanog tačkom 1. ovog Rješenja i ne oslobađa podnosioca zahtjeva obaveze pribavljanja vodne dozvole za zahvatanje vode i ispuštanje sanitarno-fekalnih otpadnih voda, a za čije izdavanje je nadležno Ministarstvo za poljoprivredu, šumarstvo i vodoprivredu Zeničko-dobojskog kantona ili općina/grad, ukoliko je kantonalnim propisom prenesena nadležnost na općinu/grad, shodno stavu (3) istog člana zakona.
3. Vodna dozvola se daje na osnovu dostavljene dokumentacije, utvrđenog činjeničnog stanja i uz sljedeće uslove:
 - 3.1. Da se upotreba i korištenje predmetnog kompleksa objekata vrši u skladu sa njegovom prirodom i namjenom te u skladu sa dostavljenom dokumentacijom i uslovima iz ove vodne dozvole.
 - 3.2. Da se za vrijeme trajanja ove dozvole a u skladu sa dostavljenim dinamičkim planom koji je sastavni dio rješenja sve prema odredbama članom 26. stav (2), (3) i (4) Uredbe o uslovima ispuštanja otpadnih voda u okoliš i sisteme javne kanalizacije («Službene novine Federacije BiH», broj 26/20 i 96/20) u potpunosti realizuju radovi predviđeni projektnom dokumentacijom urađenom od strane «IBIS» d.o.o. Zavidovići, oktobar 2020. godine, tj. da se u cilju sveobuhvatnog rješenja separatnog načina prikupljanja, odvodnje i tretmana otpadnih voda sa lokaliteta kompleksa završe svi radovi na izgradnji sistema za prikupljanje i tretman zauljenih otpadnih voda nastalih u objektu radionice za popravak/servisiranje vozila, reparaciju motora kao i onečišćenih oborinskih voda sa radnog platoa, parking i manipulativnih površina.
 - 3.3. Da se usvojenim tehničkim rješenjem iz projektne dokumentacije i realizovanim radovima poduzmu sve potrebne mjere kojima bi se obezbijedilo da prečišćene otpadne vode, prije ispuštanja u recipijent – rijeka Bosna, ostanu u maksimalno dopuštenim granicama definisanim članom 14. Uredbe o uslovima ispuštanja otpadnih voda u okoliš i sisteme javne kanalizacije («Službene novine Federacije BiH», broj 26/20 i 96/20).
 - 3.4. Ukoliko Vlada Zeničko-dobojskog kantona propiše dodatne (strožije) uslove od uslova definisanih u Prilogu 28. Uredbe o uslovima ispuštanja otpadnih voda u okoliš i sisteme javne kanalizacije, podnosilac zahtjeva je u obavezi ispoštovati.
 - 3.5. Objekte kako postojeće, tako i one koji će se, nakon realizacije predviđenih radova, koristiti u svrhu prikupljanja, odvodnje i tretmana otpadnih voda nastalih u krugu pogona (postrojenje za tretman zauljenih otpadnih voda, kanalizaciona mreža, slivnici i linijske slivne rešetke...) potrebno je održavati i koristiti na takav način koji će obezbijediti njihovu potpunu ispravnost i funkcionalnost. O načinu i vremenu održavanja radova neophodno je voditi službenu evidenciju i arhivu.

- 3.6. U toku izvođenja radova na predmetnom lokalitetu neophodno je osigurati stručni nadzor nad izvođenjem istih te poduzeti sve potrebne mjere zaštite da predmetnim aktivnostima ne dođe do nastanka štete ili nepovoljnih posljedica po vode i vodni režim kao i postojeće korisnike voda.
- 3.7. Materijal iskopan u toku izvođenja radova na izgradnji sistema za prikupljanje i tretman otpadnih voda kao i ostali opasni i neopasni otpad, mulj iz uređaja za tretman otpadnih voda nakon što isti bude stavljen u funkciju se ne smiju ni privremeno odlagati na česticu «vodno dobro», odnosno u vodotoke i na njegove obale.
- 3.8. Čišćenje i održavanje postrojenja za tretman otpadnih voda, nakon realizacije svih projektom predviđenih radova i puštanja u funkciju istog, te skladištenje i zbrinjavanje sadržaja (taloga) iz postrojenja i ostalog opasnog otpada može vršiti isključivo firma ovlaštena za tu vrstu djelatnosti, prema posebnom ugovoru. O načinu i vremenu pražnjenja, odvoza i zbrinjavanja sadržaja iz postrojenja za tretman otpadnih voda kao i preuzimanje drugog opasnog otpada neophodno je voditi službenu evidenciju i arhivu.
- 3.9. Da se u skladu sa propisima iz oblasti zaštite okoliša, vrši bezbjedno i redovno skupljanje čvrstog opasnog i neopasnog otpada sa kompletnog kruga kompleksa (adekvatnim mjerama onemogućiti bilo kakvo isticanje i rasipanje opasnih i štetnih materija na tlo i u vode), isti propisno skladišti do njegovog konačnog zbrinjavanja od strane ovlaštene organizacije.
- 3.10. Nakon izgradnje postrojenja za tretman otpadnih voda i ostalih radova obuhvaćenih projektom dokumentacijom i dinamičkim planom, Investitor je u obavezi da uradi Projekat izvedenog stanja kompletnog sistema za prikupljanje, tretman otpadnih voda te ispuštanje prečišćenih voda u recipijent i isti priloži prilikom podnošenja zahtjeva za izdavanje nove vodne dozvole.
- 3.11. Vlasnik, odnosno korisnik objekta je dužan, nakon realizovanih radova, putem laboratorije ovlaštene od strane Federalnog ministarstva poljoprivrede, vodoprivrede i šumarstva, vršiti redovna ispitivanja kvaliteta otpadnih voda, uzimanjem uzorka efluenta iz okna za monitoring prije ispuštanja u recipijent – rijeka Bosna, u skladu sa Uredbom o uslovima ispuštanja otpadnih voda u okoliš i sisteme javne kanalizacije («Službene novine Federacije BiH», broj 26/20 i 96/20). Učestalost i način ispitivanja vršiti u skladu sa članom 20. Uredbe o uslovima ispuštanja otpadnih voda u okoliš i sisteme javne kanalizacije. Rezultate analiza dostaviti ovoj Agenciji.
- 3.12. Izvještaje o ispitivanju i ocjeni kvaliteta otpadnih voda može uraditi isključivo laboratorija ovlaštena od strane Federalnog ministarstva poljoprivrede, vodoprivrede i šumarstva po osnovu člana 64. stav (3) Zakona o vodama i Pravilnika o uslovima koje moraju ispunjavati referentne odnosno ovlaštene laboratorije za ispitivanje voda, sadržaj i način davanja ovlasti («Službene novine Federacije BiH», broj 14/10, 14/3, 26/14, 15/17, 23/17 i 41/20).
- 3.13. Investitor je obavezan pridržavati se svih mjera i uslova propisanih u saglasnostima i dozvolama izdatim od strane drugih nadležnih organa, a odnose se na korištenje i zaštitu voda i nisu u suprotnosti sa uslovima iz ove vodne dozvole.
4. Vlasnik, odnosno korisnik objekta je obavezan voditi propisne evidencije, te nadležnim organima dostavljati propisane obrasce (Obrazac EBS) u skladu sa Zakonom o vodama i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada («Službene novine Federacije BiH», broj 92/07, 46/09, 79/11, 88/12 i 03/16), Prilog 1. Poglavlje V – Određivanje koeficijenata zagađenja za zagađivače voda kod kojih se ne vrše direktna mjerenja voda, te prema dostavljenim obrascima izvršavati u cjelosti i u propisanim rokovima obavezu plaćanja vodnih naknada.
5. U periodu važenja ove dozvole, Korisnik je dužan provoditi sve mjere i aktivnosti propisane istom.
6. U slučaju izvanrednih situacija, havarijskih onečišćenja i drugih sličnih okolnosti, čime bi bio ugrožen kvalitet podzemnih i površinskih voda, korisnik objekta obavezan je izvjestiti nadležne organe i izvršiti izvanredna postupanja po nalogu nadležnih organa, te o vlastitom trošku uzroke štete otkloniti, a nastale štete nadoknaditi.
7. Ukoliko usljed štetnog djelovanja voda nastalog zbog neizgrađenosti ili nedovoljne osposobljenosti (zaštitnih) vodnih objekata dođe do nastanka štete na predmetnom kompleksu objekata obuhvaćenom ovom vodnom dozvolom, korisnik zaštitnih vodnih objekata nije odgovoran za nastale štete.

8. Ukoliko radom predmetnog pogona dođe do šteta ma kakvog karaktera, korisnik vodne dozvole je dužan uzroke nastalih šteta otkloniti, a nastale štete trećim licima nadoknaditi.
9. Prava stečena po ovoj dozvoli ne mogu se prenositi na treća lica, a ista prestaju u skladu sa odredbama Zakona o vodama.
10. U ovoj upravnoj stvari plaćene su sve upravne pristojbe.
11. Ova vodna dozvola se, shodno članu 26. stav (1) Uredbe o uslovima ispuštanja otpadnih voda u okoliš i sisteme javne kanalizacije, daje sa rokom važenja do 19.12.2023. godine uz uslov da se realizacija aktivnosti iz dinamičkog plana obuhvaćenih tačkom **3.2.** dispozitiva rješenja u cjelosti ispoštuju.
12. Prije isteka važnosti ove dozvole Korisnik je dužan da podnese zahtjev za izdavanje nove vodne dozvole.
13. Ovo rješenje o vodnoj dozvoli može se izmjeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.

O b r a z l o ž e n j e

Pravno lice, «JASMIN N» d.o.o. Žepče obratilo se ovoj Agenciji dana 19.04.2023. godine sa zahtjevom za izdavanje vodne dozvole za ispuštanje onečišćenih oborinskih i zauljenih otpadnih voda sa lokaliteta poslovnog kompleksa osnovne namjene: prodaja rezervnih dijelova i pribora za motorna vozila izgrađenog u naselju Ljeskovica, općina Žepče.

U provedenom postupku dostavljena je i pregledana sljedeća dokumentacija:

- Ovjerena kopija Rješenja o izmjenama podataka u sudski registar broj: 043-0-Reg-22-001407 izdatog dana 19.01.2023. godine od strane Općinskog suda u Zenici,
- Ovjerena kopija Uvjerjenja o poreznoj registraciji izdatog dana 17.07.2007. godine od strane Porezne uprave - Kantonalni ured Zenica,
- Kopija katastarskog plana izdatog dana 10.03.2023. godine od strane Službe za graditeljstvo i prostorno uređenje Općina Žepče,
- Posjedovni list broj: 525 od 10.03.2023. godine i kopija posjedovnog lista broj: 66 od 05.04.2023. godine izdati od strane Službe za graditeljstvo i prostorno uređenje Općina Žepče,
- Zemljišnoknjižni izvadak broj: 044-0-NAR-22-000 508 ZK uložak broj: 8; broj: 044-0-NAR-22-000 509 ZK uložak broj: 25; broj: 044-0-NAR-22-000 510 ZK uložak broj: 3 izdati dana 28.09.2022. godine od strane Zemljišnoknjižnog ureda – Općinski sud u Žepču,
- Izvod iz prostorno planske dokumentacije broj: 03-19-4-4-31/23 izdat dana 05.04.2023. godine od strane Službe za graditeljstvo i prostorno uređenje Općina Žepče,
- Kopija Rješenja o upotrebi broj: UP-I broj: 03-23-2-275/02 izdato dana 15.04.2003. godine za objekat - autopraonica sa radionicom od strane Službe za građevinarstvo i prostorno uređenje Općina Žepče,
- Kopija Rješenja o upotrebi broj: UP-I broj: 03-23-2-1790/2007 od 22.11.2007. godine za objekat – skladište roba; broj: UP-I broj: 03-23-5-1269/11 od 12.07.2011. godine za dogradnju poslovno uslužnog objekta (pilana); broj: UP-I broj: 03-23-5-513/19 od 06.03.2019. godine za poslovni objekat administrativne namjene sa pratećim sadržajima izdata od strane Službe za graditeljstvo i prostorno uređenje Općina Žepče,
- Glavni projekat izvedenog stanja sa dopunom vanjskih hidroinstalacija za Poslovno proizvodni kompleks «JASMIN M» – Faza I urađen od strane «IBIS» d.o.o. Zavidovići (broj: 66-IB-G/20, oktobar 2020. godine) - na uvid,
- Kopija Rješenja broj: UP-1-02.3-23-112/23-AP o odobrenju za poprečni prelaz kanalizacione cijevi kroz trup magistralne ceste M-17.1, dionica:001 Žepče-Zavidovići izdatog dana 30.05.2023. godine od strane JP Ceste Federacije BiH,
- Dinamički plan aktivnosti sa rokovima, mjerama za ulaganje po kojima će se realizovati pojedine aktivnosti iz projektnog rješenja potpisan i ovjeren dana 07.06.2023. godine od strane odgovornog lica podnosioca zahtjeva «JASMIN M» d.o.o. Žepče,
- Kopija uplatnice upravne takse.

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u cilju utvrđivanja relevantnih činjenica u ovoj upravnoj stvari.

U skladu sa članom 12. stav (5) i (6) Pravilnika o sadržaju, obliku i uslovima i načinu izdavanja i čuvanja vodnih akata («Službene novine Federacije BiH», broj 31/15, 55/19, 41/20 i 63/22), izvršen je obilazak predmetnog kompleksa u naselju Ljeskovica, općina Žepče te je sačinjen zapisnik o izvršenom uviđaju broj: UP-1/21-3-40-163-3/22 od 07.06.2023. godine.

Na osnovu dostavljene dokumentacije i izvršenog uviđaja na licu mjesta utvrđeno je sljedeće:

Poslovni kompleks objekata «JASMIN M» d.o.o. Žepče lociran je u naselju Ljeskovica unutar radne zone Prostornog plana općine Žepče. Prilaz kompleksu obezbijeđen je sa magistralne ceste M-17.1. Žepče – Zavidovići. Djelatnost kompleksa je: prodaja strojeva, rezervnih dijelova, pribora i opreme za eksploataciju šume, prodaja hidrauličke opreme, rezervnih dijelova i filtera za radne mašine za rudnike, prodaja i servis/remont Volvo građevinskih strojeva.

U sklopu kompleksa izgrađeni su sljedeći objekti: upravna zgrada, auto mehaničarska radionica, skladište repromaterijala, prodajni prostor za auto dijelove, skladište guma, skladište ulja i maziva u originalnoj ambalaži, rezervoar tehničke vode sa pumpnom stanicom, bunari, natkriveni rezervoar za gorivo sa tankvanom (neupotrebljen), septička jama, parking i manipulativne površine, radni plato.

Snabdijevanje predmetnog poslovnog objekta tehničkom vodom za sanitarne potrebe i hidrantsku mrežu obezbijeđeno je zahvatom vode iz bunara a flaširana voda se koristi za potrebe pitkom vodom uposlenih. Prikupljene sanitarno fekalne vode iz toaleta za uposlene se odvođe u septičku jamu sa ispuštom u putni kanal. U istu septičku jamu se upuštaju i zauljene otpadne vode sa radnog platoa, prostora radionice za remont motora i vozila kao i onečišćene oborinske vode sa parking i manipulativnih površina.

Projektnom dokumentacijom urađenom od strane «IBIS» d.o.o. Zavidovići, oktobar 2020. godine predviđeno je potpuno razdvajanje sanitarno fekalnih od zauljenih i oborinskih onečišćenih otpadnih voda. Prikupljene sanitarno fekalne vode će se zasebnim kanalizacionim sistemom odvoditi na tretman u anaerobni biološki uređaj za tretman. Zauljene vode iz prostora objekta autoradionice vozila i mašina će se zasebnim kanalizacionim sistemom putem slivnika i linijskih slivnih rešetki prikupljati i odvesti na tretman u separator ulja i masti. Prečišćene vode će se zajedno sa prečišćenim sanitarno fekalnim vodama ispuštati u rijeku Bosnu (uz zahtjev dostavljeno Rješenja o odobrenju za poprečni prelaz kanalizacione cijevi kroz trup magistralne ceste M-17.1. Žepče-Zavidovići izdato od JP Ceste Federacije BiH).

Podnosilac zahtjeva je, u skladu sa članom 26. stav (2), (3) i (4) Uredbe o uslovima ispuštanja otpadnih voda u okoliš i sisteme javne kanalizacije dostavio Dinamički termin plan za realizaciju aktivnosti na sistemu prikupljanja i tretmana otpadnih voda poslovnog kompleksa «JASMIN M» u naselju Ljeskovica, općina Žepče te ispuštanja prečišćenih voda u recipijent za period do decembra 2023. godine u kome je dat:

- Spisak aktivnosti i mjera sa finansijskom procjenom za ulaganje
- Rokove u kojima će pravni subjekt realizirati pojedine aktivnosti te rok u kome se moraju realizirati svi radovi (predviđeni projektnom dokumentacijom) na sistemu za prikupljanje, tretman otpadnih voda i ispuštanje prečišćenih voda u recipijent

Na osnovu dostavljene dokumentacije i uviđaja izvršenog na predmetnoj lokaciji, u svrhu smanjenja negativnih uticaja predmetnog pogona i aktivnosti na stanje voda i vodni režim, podnosiocu zahtjeva su ovom vodnom dozvolom u tački 3. dispozitiva Rješenja propisani uslovi kojih se dužan pridržavati prilikom korištenja objekta u skladu sa odredbama članova 53. i 116. Zakona o vodama i članova 12. i 13. Pravilnika o sadržaju, obliku, uvjetima načinu izdavanja i čuvanja vodnih akata i odredbama člana 3. tačka s) i člana 15. Uredbe o uslovima ispuštanja otpadnih voda u okoliš i sisteme javne kanalizacije. Tačka 4. dispozitiva Rješenja je propisana u skladu sa tačkama 12. i 35. Pravilnika o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte i posebnih vodnih naknada («Službene novine Federacije BiH», broj 92/07, 46/09, 79/11, 88/12 i 03/16) i Odlukom o visini posebnih vodnih naknada («Službene novine Federacije BiH», broj 46/07, 10/14 i 03/16).

Konstatuje se da je podnosilac zahtjeva, «JASMIN M» d.o.o. Žepče ispunio minimum uslova za izdavanje vodne dozvole ispuštanje onečišćenih oborinskih i zauljenih otpadnih voda sa lokaliteta otpadnih voda poslovnog kompleksa objekata u naselju Ljeskovica, općina Žepče te je riješeno kao u dispozitivu ovog Rješenja.

Podnosilac zahtjeva uplatio je posebne troškove prema Zaključku ove Agencije broj: UP-1/21-3-40-163-2/23 od 18.05.2023. godine.

Podnosilac zahtjeva je uplatio upravnu taksu u iznosu od 70 KM U skladu sa Zakonom o izmjenama i dopunama zakona o federalnim upravnim taksama i tarifi federalnih upravnih taksi («Službene novine Federacije BiH», broj 06/98, 8/00, 45/10, 43/13 i 98/17).

Uputa o pravnom lijeku:

Protiv ovog Rješenja može se uložiti žalba Federalnom ministarstvu poljoprivrede, vodoprivrede i šumarstva u roku od petnaest dana od dana prijema Rješenja.

Žalba se predaje ovom organu neposredno ili preporučeno poštom. Žalba se taksira sa 15 KM administrativne takse prema tarifnom broju 3. Tarife federalnih administrativnih taksi.

Obradivač akta:

Nermina Hodžić, dipl.ing.građ.

Po ovlaštenju

Rukovodilac sektora za izdavanje vodnih akata



Haris Ališehović, dipl.ing.građ.

Dostaviti:

- «JASMIN M» d.o.o. Žepče
Ljeskovic bb, 72230 Žepče
- AVP, ISV – Vodna knjiga
- Sektor 50,
- ⊖ Sektor 40, arhiva
- oglasna ploča – AVP Sava